

Universitäts- und Landesbibliothek Tirol

Franz Schweyger's Chronik der Stadt Hall

Schweyger, Franz

Innsbruck, 1867

Herzog Hanns von Saxn

[urn:nbn:at:at-ubi:2-12832](https://nbn-resolving.org/urn:nbn:at:at-ubi:2-12832)

rossn. Die haben muessen arbeitn sambt pmetn grichtn an dem 1552
schantzgrabn und pollwerchn, so diser zeit am erstn anfangen
und gmacht ist worden am obpmetn ort sant Martins wandt,
wie dan vor augen ist.

Kriegsvolkh in Ungern.

Mer ist in disem jar den 14. Julii zu Hall ankumen 6 fannle
landtsknecht, so von dem röm. hung. behaimb. kinig Ferdinandt
zuvor an seint gnumen worden im Sunta [Suntgau], Preista [Breis-
gau], Hegau, Schwarzwaldt und Veldtkirch auf ain fürsorg, ob die
obpemetn kriegsfürstn widerumb ain kriegszug woltn fürnemen in
die graffschafft Tyrol. Seint derhalbn etliche wochn zuvor in dem
markht oder dorff Zirl glegen, aber nachmals durch die kgl. maje-
stät auff Ungern zue erfordert worden, derhalben zu Hall am
15. Julii auff 10 scheffn hinab gfaren. Ier öbrister ist gewesen
herr Hanns Schnabl. Ditz kriegsvolkh hat sich erlichn wol ghalten
zu Hall, ist über nacht da pliben. Diss erlich kriegsvolkh ist der
merer tail erlegt worden von dem türkischn kriegsvolkh.

Ankunfft kayser Carl V.

Anno 1552 am 1. August ist kayser Carl widerumb von
Villach zu Innsprug ankumen mit sambt dem herzog Johann von
Saxn umb die 6 ur nachmittag. Es ist an dem selbigen tag, 4
stundt vor seiner ankunfft zu Innsprugg ain feuer auffgangen im
statl, so man in sagkhn wil gen, gegen hofgartn über. Sent pey
3 städln verprunnen. Es seind auch zu Hall die 500 graisige
niderlendische pferdt, so zuvor da seind gewesen, widerumb an-
kumen und da bliben piss der kaiser verruckht ist.

Herzog Hanns von Saxn.

Am 5. Augusti ist herzog Hanns Fridrich zu Saxn zu Hall
in der glasshütt n gwesen und das morgen mall darin gessn,
nachmals in die muntz gfaren mit 30 pfärdtn und 20 teütsch
trabantn, aber nimer in kayserl. majestät huet oder gfankhnus.
Sein hispännische gwärti, so vormal in verhüet haben, wie vor-
mals pmet ist worden, hat man ditzmal gen Thaur losiert sambt
den 25 graisigen.

Kaisers kriegsvolkh.

Am 8. August seint zu morgens 4 fännle knecht (so mit
dem kayser aus dem Etschlandt gen Innspruckh seind ankumen)